

SIMONIS PISTORII
OPPOLIENSIS SILESII,
Sacrorum

OCTERNIO NONUS,

Generoso ac Nobilissimo Viro,
D. ADAMO GOSLAVIO
à Bebelno, Domino & Mecena-
ti meo honorando dicatus.

¶ : ¶

AD LECTOREM.

*Si causam nostra, Lector, seriemq; salutis
Vis nôsse, hoc lecto carmine, certus eris.
Invenies, quare miracula feceris olim
Tanta, Voluntatis Nuncius ille Dei.
Cur etiam passus fuerit, cur mortuus idem,
Et nunc cur noster visat in Axe Deus.
Promissam gratis sic confirmare salutem
Collibui summo propitioq; Deo.
„ Demens, tot factis qui porro credere non Sult,
„ Efficitur sancta nec pietatis amans!*





NOBILITATIS, DOCTRINAE
& omni Virtutum genere præstantissimo
VIRO AC DOMINO

A D A M O G O S L A V I O

à Bebelno salutem.

ET SI, VIR GENEROSE, non obscura, puto, hæcenus
observantia erga te mea extiterè argumèta. Semper enim
ab eo, quo me tecum eadem colligavit Religio, tempore; &
inprimis à svavissimo illo, qui mihi tecum ante annos com-
plures, in Prædio tuo Paterno intercessit, convictu, studui
quàm potui maximè, Tibi in te meum singularem declara-
re animi affectum, & ad omne officii genus promittitudinem:
tamen libuit hac quoque Libelli istius dedicatione, eandem
animi mei erga te significationem, non tam ostendere, quàm
renovare, ac in memoriam quodammodò tibi revocare. De-
cuiuset sanè longè alio exactiori præstare id officii genere:
verùm quùm sese in præsentia tale quid te dignum haud of-
ferat, ac dubius non sim, delectari te etiam Carminum ca-
storum, imprimùq; Sacrorum, lectione: Ided eò libentiùs
haud expectatà alià occasione, hoc quicquid est, ad te mis-
tere, tibiq; offerre decrevi. Ingens mea de tuo in me amore
ac benevolentia persuasio facit, ut credam, non ingratum
tibi hoc Opusculum, cum Auctore ipso futurum esse. Deum
precor, ut te mihi, & omnibus piis, immò toti Christi Eccle-
siae, salvum ac florentem quàm diutissimè conserve. Vale.

Simon Pistorius.

SI

MOD

OPE
da

V L

Et visu

Pan

Gnatu

Pro

(Virg

Vidi

Quem,

Non

Vt dem

Lau

Atque r

Que

Aptior

Ad si

His erg

Ad u

SIMONIS PISTORII OPPOLIENSIS

SILESI,

SACRORUM Oſternio nonus.

De

MODO AC RATIONE SALUTIS HUMANAE
a DEO per Christum exhibitæ:

Deſ

OPERIBUS IN CHRISTO, demonſtran-
dæ ac confirmandæ hujus SALUTIS
GRATIA, factis.

VLtima cùm venit jam pleni temporis ætas,
(Vidit ab æterno quam, ſtatuitq; Deus.)

Et viſum à cunctis retrò Myſteria ſcclis

Pandere Terricolis, Cælicolũque choris:

Gnatum, quem tantis Legatum rebus haberet,

Proigni voluit virgine Matre ſuum.

(Virgine lege tori vacuâ, ſed Numine ſetâ;

Vidit ab antiquo cœu, ſtatuitq; Deus.)

Quem, ſimulac fuerat rebus maturus agendis,

Non adeunda priùs ſumſit ad aſtra PATER.

Vt demonſtratis ibi Majeſtate futurâ,

Laudeque, quâ poſthac afficiendus erat;

Atque revelandis, auditis a PATRE rebus,

Quæ latuère Hominum, Cælicolũque Genus,

Aprior, & mulò quò confirmator eſet,

Ad ſibi commiſſum grande laboris onus.

His ergò inſtructum, donisq; & Numine plenum;

Ad mortale Deus miſit ab Axe genus.

Sacrorum Epigrammatum

*Isque gerens PATRI morem, mox iussa capeffit,
Et fert Terrigenis nuncia leta Viris:*

- » *Kes hominum fractas, ob crimina dira, misertum
Respicere, atque horum fata dolere Deum.*
- » *Iam peccatorum memorem non amplius esse,
Aut morte æternâ plectere velle reos.*
- » *Verùm Ipsos potius Cælestibus addere, & almæ
Participes vitæ reddere velle suæ.*
- » *Si modò Mortales deponere pectore puro
Crimina, & errorum pænituisset velint.*
- » *Fidere si CHRISTO, & mores formare secundum
Ipsius studeant edita iussa Dei;*
- » *Denique si potiusque pati, potiusque moriri,
Accepto malint quàm revocare gradum.*
- Hæc summa est hujus Nunci, quod ab ætheris alto
Christus Terrigenis attulit ipse Viris.*
- Hocq; novum Pactum est istud, melioribus auctum
Promissis, Fædus quàm Vetus illud erat.*
- Illud enim tantum mortale sonabat, at istud
Immortale ferè prædicat usque bonum.*

*Sed quoniam magnis, mentem excedentibus ipsam,
Tardaque rebus inest, difficilisque fides,
Nec magè quid superat ratione, quàm quòd Homullos
In summo maneat Cælica vita Polo.*

*Tum quia vivendi ratio admirabilis, isto
Comprensa est Pacto, diaque Relligio,
Et vires superans nostras, perfecta que cuius,
Ad quam tendendum est, meta sit ipse Deus.*

*Idcirco modicamque fidem, viresque pusillas
Respectans Hominum Conditor atque PATER;*

Nuncius

Nun
lu
1. Tan
Su
Vt p
Ej
Qui
P
Isné
P
At q
E
San
C
Ne q
(
Ob t
N
Nem
D
2. Ille i
A
Tan
N
Nec
M
Æru
Sa
Pect
D

Oſter: 9. Simonis Piſtorii.

Nuncius æternæ daret ut documenta ſalutis,
luſſit, & anguſtæ dux foret ipſe viæ.

1. Tanta igitur Chriſtus cultor probitatis & æqui,
Supra Homines, ſupra ſæcla priora fuit;
Vt promptum fuerit liquidò deprendere cunctis,
Ejus Doctrinâ verius eſſe nihil.
Qui totum, quantum eſt, tam puriter exigit ærum,
Pænè ſit ut ſummo par, ſimilisque Deo;
Iſne fide indignus? bona quamvis prædicet ore,
Ponderis imminuant quæ gravitate fidem.

At quia non rarò contingere forſ ſolet, ut quis
Exiſtens miræ calliditatis homo,
Sanctæ aded vitæ, & morum fulgore coruſcet,
Cum ſanctus verè ſit tamen ille minùs.
Ne quis tale etiam quid ſuſpicionis haberet,
(Et ſi ſuſpicio hic non habet ulla locum;
Ob tale exemplar vitæ, quod luxit in illo,
Non hominem, at poſſit quale decere Deum)
Nempe Deo viſum eſt, & per miracula multa
Doctrinæ CHRISTI conciliare fidem.

2. Ille igitur nihil inferior virtute ſuperna,
Aut minor, anguſtâ quàm pietate fuit.
Tanta olim fecit Chriſtus miracula, quanta
Nec mortale unquam vidit in Orbe Genus;
Nec quæ fas cuiquam numero comprehendere, ſecit
Mirandorum operum tot propè Myriadas:
Ærumnas varias, ledentis & omnia morbi
Sanabat verbo triſtia damna ſuo.
Pectoribus nigros humanis arcuit omnes
Dæmonas, in quos nil cætera juris habent.

Sacrorum Epigrammatum

Funeribus sanctos, lumen vitale videre,
Humanum & sensum rursus habere dedit.
Imperitabat & his, quorum insuperabile robur,
Flatibus, & tumidis fluctibus ille maris.
Hunc Operum patratores, magnum esse profecto,
Hunc divinum, inquam, quis neget esse virum?
Quis Christum hinc talem non esse fatebitur, ore
Se qualem proprio sæpe professus erat?
Nam si pondus habet per se sanctissima vita,
Quanto, tot miris splendida, majus habet!

Sed ne scrupus adhuc fibris hæret in imis,
Nec dubitandi ulli causa vel ulla foret.
Edant falsi etiam siquidem miracula Prophetæ,
Non prohibente, immò sæpe volente Deo.
(Quæ quanquam dubitatio cui quæ possit oriri,
Aut hære aliquis pectore scrupus adhuc!
Quando oculis non visa prius, non auribus hausta,
Quæ Christus fecit, vel numeranda forent) }

3. Hunc tamen inter se Deus, inter nosq; sequestrem
Infanda voluit denique morte mori.
Effet ut inde palam, à nobis sibi qualia poscat
Obsequia, & Christo quàm sit habenda fides.
Non timet horrenda crudelia vulnera mortis
Doctrinæ tantùm qui ratione suæ;
Hostibus inprimis virtute potentior ipsis,
Quàm tantâ Christus præditus Ipse fuit,
Posset ut è se vis inimicùm evadere dextris,
Aut illos verbo sternere posset humi;
An non est nobis credendus dicere verum?
An non est illi maxima danda fides?

Credo

Cred
M
Im
T
Hoc
P
Ante
P
Atq
H
Conj
Q
Et s
Se
Veri
On
Sola
E
Quin
In
Vt p
Sp
Infr
No
4. Chri
Ed
Qua
Ho
Et d
Di

Oſter: 9. Simonis Piſtorii.

Crede mihi, non eſt ulli fiducia tanta,
 Mortem ut pro falſo dogmate obire velit.
 Immo & de vero tantillum ſi dubitet quis,
 Triſtia pro vero fata ſubire nequit.
 Hoc igitur Veri Chriſtus certiſſimus auctor
 Præſtitit, ac ultro funera dira ſublt.
 Antea perpeſſus multos variosque dolores,
 Perpetuo vitæ tempore pænè ſuz.
 Atque ita (namque iterare iuvat) fortiſſimus unâ
 Hac operâ Chriſtus præſtitit iſta duo:
 Conſtanter docuit per multa infeſta pericla,
 Quàm ſit adhærendum ſemper ubique Deo.
 Et ſimul oſtendit, quàm ſint veracia cuncta,
 Seu credenda dedit, ſeu facienda dedit.

Verùm ſors rigidi quoniam duriffima fati,
 Omnia in humanis quæ in nihilum redigit,
 Sola viam potuit certò haut oſtendere Cæli,
 Et per ſe vitæ ſpem facere alterius;
 Quin animis illam magè ſuſtollebat ab ipſis,
 In quorum e Chriſti voce recepta fuit.
 Vt patet hoc in Diſcipulis Emaunta profeſſis,
 Spes ſuper in quorum pectore nulla fuit.
 Infirmæ fidei Deus hic ſuccurrere noſtræ
 Non dubitans, fragiles & relevare animos;
 4. Chriſtum, ſæpè ipſo ſic prædicente, ſepulchro
 Eduxit, vitæ reſtituitque novæ.
 Qua ratione potens, fruſtra obnitentibus ipſis
 Hoſtibus, unâ operâ præſtitit iſta Deus:
 Et demonſtravit Chriſtum vera eſſe locutum,
 Diâque Terrigenis ſcita dediſſe viris:

Sacrorum Epigrammatum

Ejus enim cur terribili meminisset in Orco?
 Aut quidnam, ad vitam cur revocaret, erat?
 Si non veridicus, si fallax ille fuisset,
 Mente vel egisset candidiore parum.
 Odit enim fucatum hominem, mendaciaque odit,
 Et falsi auctores punit ubique Deus.
 Nec minus ostendit, dum morte reducit ab atra
 Lucundamque animam, membraque, Christe, tua,
 Quod firmo possit fidei sibi glutine junctos
 Erigere è rigidis, post fera fata, rogis.
 Hic igitur Christus, cum tertia surgeret Eos,
 E durâ rediit mox rediivus humo,
 (Sic visum Patri, mora ne corrumperet artus
 Longior, & pectus corpus inane daret,
 Atque ita quò posset nosci, esse videlicet ipsum,
 In cruce quod nuper flebile funus erat.)
 Discipulis, quorum ex oculis cum ingente dolore
 Avulsus fuerat, conspiciendus adest.
 Mæstaque conspectu solatur pectora grato,
 Et turbata suis erigit alloquiis.
 Tunc illis arcana refert oracula Vatum;
 Quæ dudum talem præcinuere Necem;
 Quin vitam reducem quoque præcinuere; quis ergo,
 Se fictis ludi credat imaginibus?
 Ut magè spes autem dubias suffulciat, atque
 Corporis exhibeat symbola certa sui;
 Dat tangenda simul, dat contrectanda deinceps
 Omnia, quæ clavum, membra, habuere typos.
 Denique ne scrupire aliquid, dubitare supersit,
 His etiam coram sæpe alimenta capit.

Oſter: 9. Simonis Piſtori.

Nec ſatis hæc, ſi non denis quater inde diebus
Se verum & vegetum corpus habere probet.

Aſt hic quanta Dei elucet Sapientia, & ipſa
Iudicia elucent, hic mihi, quanta, vide.

Hujus ab aspectu reducis poſt funera Chriſti
Mortales reliquos arcuit ille procul.

Tum quia ſacrilegæ pœnas inducere turbæ,
Non indigna Deo cura laborque fuit.

Plurima ſic Gentis meruere piacula, Chriſti
Quæ rea contemptus, quæ rea cædis erat.

Quæ ſi vidiſet redivivum forte, dediſet
Salviſcam Chriſto protinus illa fidem.

Tum quia laudatæ fidei & virtutis honoræ
Conſtituit vitii turpis & eſe locum.

Credere amat non viſa Fides. Poſt funera Chriſtum
Si cernat, quiaquam ſe probet eſe probum?

Cogit enim adſpectus Chriſti virtutis ad arcem,
Ille nec arbitrio jam ſinit eſe locum.

Hicque Dei ſeſe profert Sapientia prima,
Digna ut mireris, dignaque mente coli:

Quod ſibi parendi liber conatus ut eſſet,
Spe nos injunctum duxit ad obſequium:

Et facile ut mentes hominum dignoſcere poſſet,
Virtuti addicte quæ magè, quæ vitio,

Innocuiſq; viris ut tandem præmia juſtè
Conferre, & ſontes plectere jure queat,

Ora facultatem Chriſti rediviva videndi
Humane Genti noluit eſſe datam,

Discipulos præter paucos, lateri antea Chriſti
Cura hæſiſſe quibus maxima ſemper erat.

Sacrorum Epigrammatum

Quos magnos Operum voluit, pie Christe, tuorum,
 Spectâcli testes hujus & esse Deus.
 Quos non membra modo fore, fundamenta sed ipsa
 Doctrinæ voluit Christi adumq; Gregis.
 His fuit omnino facienda creberrima solis
 Cernendi reducis copia, Christe, tui.
 Ut confirmati, non par hoc munus obirent
 Viribus humanis, haut titubante fide.
 Ut nec deficere a vero, nec morte vel ipsa
 Officio possent fortè deesse suo.
 Atq; secunda Dei fuit hæc sapientia summi,
 Vno quæ mirè lucet in hoc opere.
 Iamq; videbatur, viso post funera Christo,
 Sat bene promissis facta fuisse fides:
 Posse Deum dirâ revocare à morte Fideles,
 Et dare vitali lumine posse frui.
 Sed quia cælestis vitæ, vereq; beatæ
 Cujus Terrigenis spes bona facta fuit,
 Perfectum in Christo speculum, perfectaque imago
 Ostensa hant nobis hac ratione fuit.
 Quodd fuerit mortalis adhuc, (nec debuit ipso
 Mutatum corpus surgere de tumulto:
 Ut sic Discipulis foret aspectabilis ipsis,
 Eductum verè seque probaret humo.)
 Ne quid doctrinæ posset decedere Christi,
 Aut promissorum sollicitare fidem;
 5. Aurea (mira loquor) Christum, spectante caterua
 Discipulâ, summus tollit ad Astra Pater.
 Tollit, & ut nunquam fatis obnoxius esset,
 Immortale ipsi corpus habere dedit.

Oſter: 9. Simonis Piſtorli.

Hoc igitur factò pariter commonſtrat abundè,
Quò ducat Fati tam gravis arcta via.
Quæ maneat ſors læta Pios à manibus ipſis,
Supremo in cælo, nunc ubi Chriſtus orat.

Ac poterant hoc pacto homines jam perſpete cæli
De vitâ firmam prorsus habere fidem.

Ni talis mentem nonnunquam cura ſubiret,

Carpere quæ fidei dulcia vota ſolet;

Chriſto nos longè pietatis cedere laude,

Hac illum multis nos ſuperâſſe modis:

Noſtram a Naturis diſtare perennibus auram;

Quàm procul, à nobis tam procul eſſe Deum.

Ad ſancti exemplum Chriſti curare Deum ergò

Mortales, meritò fas dubitare aliquem.

Nec quenquam tantam certò ſperare ſalutem

Audere, in Chriſti pectore quanta fuit.

Verùm (ceu viſum eſt per ſingula) qui Deus anſas

Iam dubitandi alias ſuſtulit antè procul,

Has idem curas animis proſcripſit inanes,

Hac dubiam ſtabiluit dum ratione fidem:

6. Hunc, qui naturam nobiſcum geſſit eandem,

Et quæ circumſtant nos mala paſſus erat,

Admovit Chriſtum clavo ſuper ætheris Axe

Imperii, ſummo conſtituitq; loco.

Vt jam cunctorum Rex immortalis & hæres

Vitæ factus, non ſecus atque Deus,

Omnibus æternam poſſet donare ſalutem,

Qui ſibi Fidentes, morigerique forent.

Hoc Deus eſt Chriſti dignatus honore labores,

Tantum illi munus pro pietate dedit:

Sacrorum Epigrammatum

Hoc, humanarum rerum haut ignarus & experts,
 Fulcro hominum voluit constabilire fidem.
 Evasisse autem tantum super omnia Christum,
 Hoc ipsum jam sit quàm dubitare nefas,
 Discipuliq; probant, probat Induperator & ipse,
 In quem conscendit, Christus, ab axe Poli.
 Nam vim Discipulos ample hinc effudit in omnes
 Numinis, & donis imbuit ille rudes.
 Imbuit, & totum Legatos misit in orbem,
 Ut testes horum maximi ubique forent.
 Ipsi etiam, licet increpiti, persæpe professi
 Magnanimis ausis ista fulere tamen:
 Esse favore Dei Regem, Dominumque potentem,
 Hunc Christum, indigna qui nece nectus erat.
 Esse Dei supra populum nunc Iudicem, & ipsum
 Vita cunctorum jus, & habere necis.
 Quod non constanti tantum sunt voce professi,
 Grande dabant dictis pondus ubique suis.
 Sanctis nimirum auspiciis, & numine Christi
 Prodigia edebant plurima, mille locis.
 Illa quidem facile haut cuiquã numeranda, patratæ
 Aut Domini gestis inferiora sui.
 Tanta his dictorum nixa est fiducia factis,
 His est testatis conciliata fides.
 Iamq; ita monstrata est divina potentia Christi,
 Tot miris operum est illa probata satis.
 Tot fulcris, inquam, satis est stabilita pusilla
 Mens hominum, ut possit credere jure Deo;
 Posse Deũ, posse & Christum, mortale quod est nunc,
 Immortale suã reddere corpus ope.

Sed quia

Oſter. 9. Simonis Piſtorii.

Sed quia poſſe iſtud non eſt ſat ſcire, voluntas
Horum prompta etiam ſit niſi nota ſatis;
Namq; (nec immeritò) quiquam dubitare potiffit,
Velle ita nos Chriſtum extollere, velle Deum.
Nil habeat quòd nobiſcum commune immenſus
Humani generis Conditor atque Deus.
Quòd Chriſtus planè ipſe malis defunctus in Axe
Rex factus ſuperà vivat, ovetque ſibi;
Nec fors ille magis quicquam mortalia curat,
Ampliùs humanis afficiturque malis.
Quò major quis enim eſt, hoc penè ſuperbior, alto
Deſpiciens alios ſepè ſupercilio.
Ergo ne quis & hìc meritò dubitare potiffit,
Velle ita nos Chriſtum extollere, velle Deum.
Hoc fine, ut dictum eſt, & fecit Principè & omnium
Hæredem Chriſtum maximus ille Deus.
7. Hoc fine ipſe etiam cæli rediivus ab Axe
Oſtendit Chriſtus ſe ſemel atque iterum.
Vidit eum Stephanus lapidū obrutus imbre, Saulus
Vidit eum, Chriſti nominis hoſtis atrox.
Ille ſuam ut poſſet pro Chriſto ponere vitam;
Ne Chriſti membris iſte nocere queat.
Eſſe ipſum tanto nobiſcum ardentis amoris
Glutine conjunctum quippe, vel inde palàm eſt,
Quòd quàm perſequitur iuſtos hoc Saulus in orbe,
Hoc fieri in cælis imputat ille ſibi.
Et dubitabis adhuc, Chriſtum curare Suorum
Omnia, ſeu vitam, ſeu magis ipſam animam?
Quamquam ſi nunquam ſeſe oſtendiſſet ab ipſis
Sideribus Chriſtus, qui dubitare queas?

Cum dubi.

Sacrorum Epigrammatum

Cum dubitandi aliàs omnis sit causa remota,
 Credendi verò maxima causa data.
 Promisit nobis Cæli dare præmia; nobis
 Dixit præsentem se fore perpetuò.
 Ac, ut tam magnus Princeps evadere posset,
 Et servare datas a Patre posset oves,
 Si per acerbam pati, si tristi morte moriri
 Sustinuit, solo motus amore hominum,
 (Horum tunc hominum, peccandi tanta libido
 Quos tenuit, nullo digni ut amore forent:)
 Quod dubium sit nunc nobis promissa daturum,
 Quos odisse ardens crimina cura tenet?
 Quàm neq; jam nostri causâ est impedere quicquam
 Illi opus, aut illum dedecus inde manet;
 Immo hoc & pronum quum jam præstare sit ipsi,
 Inde ipsum summus quumque sequatur bonos.
 Nam sua tunc capiti demùm plenissima surget
 Gloria, cælesti gloria digna Duce,
 Quàm sua Fidentes membra immortalia reddet,
 Participes Regni constituetque sui.
 Et demùm ipsius divina potentia Regni
 Est complementum tunc habitura suum,
 Quàm mortem invictam, reliquos abolebit & hostes,
 Qui nos arcebant a regione Poli.
 Adde, quòd hæc illi divina Potentia tantùm
 Humani causâ quum data sit Generis;
 Alitibus sacris ideo quum præsit, ut horum
 Circumeat justos & tueatur ope;
 Dæmoniis quum præsideat, quò reddat inanes
 Horum astus, cupiunt quis nocuisse Piis;

Denique

Ocſer: 9. Simonis Piſtorii.

Denique quum morti indomita dominetur & Orco,
Vt queat his pulſis vivificare ſuos.

His Chriſtum in terris homines curare Fideles,
Qui vel tantillum jam dubitare queas?

Sed fors reſtat adhuc unum, quod poſſit & ipſam
Tot ſultam fulcris imminuiſſe fidem.

Offendi Chriſtum nimirum poſſe puſillo
Noſtro animo, & parvâ, quæ ſolet eſſe, fide,
Dum gladii nobis, dum forte parantur & ignes,
Exquiſitaque tot tormina, totque cruces.

Nam quis ad aſpectum non primò exhorreat horum,
Adq; cruces quis non examinatus eat?

Aſt ne vel nobis ſupereſſet ſcrupulus unus,
Præcavit noſtri Conditor atque Pater.

8. Ac idè Chriſtum tantos ſenſiſſe dolores,

Ante crucem voluit tantaq; mente pati:

Non tantum exanimis, non tantum eneſtus ut eſſet,

Pronus humiq; jacens, hos daret ore ſonos:

O Pater, alme Pater! ſi fert tua ſancta voluntas,

Has à me curas aufer, & hos gemitus!

Vt guttatim ejus ſtillârit pectore ſudor

Toto, qui denſi ſangvinis inſtar erat.

Denique ut æthereo conſolatore Miniſtro

Eſſet opus, meror quo veniente abiit.

Nempe Deus tantos permiſit ferre dolores

Immeritum Chriſtum, diraque tanta pati;

Inter præduros, infinitosque labores,

In turpi tandem fata ſubire cruce.

Eſſet ut ex omni perfectus parte Sacerdos,

Terrigenum Generis factus in Axe Deus.

Hæuque,

Sacrorum Epigrammatum Oſter. 9.

*Hautque mali ignarus miseris succurrere nõſſet,
In ſimili poſitis conditione mali.*

*Ergo nequicquam quæcunque pericula tandem
Nomine pro Chriſti, fataque dira times.*

*Nequicquam offendi metuis pia Numina Chriſti,
Si tam parva fides, mensque puſilla tibi eſt.*

*Si luctare modò, ſi contrà audentior iſque,
Ipſum te vincis, vincis & omne malum.*

*Ac ſi conſiſus Chriſto, pro laude perenni
Ipſius, ipſam animam ponere non dubitas.*

Sic obſignantur divini nuncia verbi;

Firmantur magni ſic nova pacta Dei;

Sic ratio noſtræ tota eſt firmata Salutis,

Et ſatis ex una parte probata Dei.

Tantæ molis erat Chriſtianam condere Gentem,

Tanto conſtabat noſtra labore Salus!

„ *Prudens ac felix, quem demonſtratio ſummi*

Tanta boni Chriſto cogit habere fidem!

„ *Stultus & ingratus, fidei cui pignora tanta*

Nondum vim faciunt, ut pius eſſe velit!

Rom: 8. v. 33. & 34.

*Quis accuſabit adverſus Eleſtos Dei? Deus eſt qui juſti-
ficat.*

*Quis eſt, qui condemnabit? Chriſtus eſt, qui mortuus eſt;
immò qui & reſurrexit; qui eſt ad dexteram Dei; qui eti-
am interpellat pro nobis.*

1. Pet. 1. v. 21.

*Per Chriſtum creditis in Deum, qui excitavit eum a mor-
tuis, & gloriam ei dedit, ut fides ac ſpes veſtra in Deo ef-
ſet.*